



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Secunda. Textus: Beati pauperes Spiritu. Thema: Paupertas,
virtutum est magistra.

[urn:nbn:de:hbz:466:1-51763](#)

IN FESTO OMNIUM
SANCTORUM.

CONCIO SECUNDA.

Beati pauperes. Matth. cap. 5.

Textus.

*Paupertas est optimus Dux ad meliorem fru-
gem, Pauper terrenis, ac cœlestibus bo-
nis dives est.*

Thema.

DUnæ orbis, diuidiâ tantum suâ parte conspicuus, re- *Exordium.*
liqua inter tenebras squalente, seipsum solatur: *Paau-*
per, Soli propior: sic pauperes in hoc mundo, & egen-
tes, hoc solatium habent: Deo, & gratiis divinis, sunt
proximiores: audiamus Sacram Scripturam: *Faetus* *Textus Sacrae*
e fortitudo pauperi, fortitudo egeno, in tribulatione suâ, spes à *Scriptura.*
turbine, umbraculum ab astu. Iſaiæ cap. 25. Tibi derelictus est
pauper, orphano tu eris adjutor, non in finem oblivio erit pau-
per, patientia pauperum non peribit in finem. canit David Psal-
mo 9. Et iterum Psalmo 22. *Populum pauperem salvum facies.*
Audiamus & Patres: *Pauperes egent in hoc seculo, sed sunt lo.* SS. Patres.
cupletes Deo, vitiis vacui, sed virtutibus pleni, despici homini-
bus, sed acceptabiles Deo. scribit Cassiodotus in Psalmos. *Arca* Cassiodotus.
plena auro, cor plenum est fide, foris pauperies, sed intus di. S. Augustin.
ves eff. inquit S. Augustinus in Ps. 66. & Serm. 212. *Pauper in*
terrib, dives in conscientia. Et iterum Serm. 76. *Omnis Philo-*
sophie magistra nobis est inopia, non ita laudamus Joseph, cum
jumentum distribuebat, sicut cum carcerem habitabat. *Sapè*
(R. r.) 3. *pauper-*

paupertas modestiam persuasit, reluctanti animo, inter tentoria
 etrarcha.
 paupertatis sobriae ac sollicitae, luxus iners, soper marcidus, ac va-
 tia languida, & enervata non subeunt. docet Franciscus Petru-
 cha lib. 2. de remediis dialogo 8. Magna quedam pena ei
 paupertatis, quā tam cito volatur in re, num calorum, nam
 S. Bernardus aliis virtutibus, que sequuntur, Matthai 5. promissio futuro in-
 pore indicatur, paupertati non tam promittiatur, quam datur.
 S. Bernardus Serm. 4. Adventus. Quod si virtutibus cognos-
 paupertas, terrena & caelestis probatur disciplina, Athleta ad ce-
 S. Chrysolog. tamen nudus accedit, confligit cum fluctibus nauta nudus, min-
 in acie nonnisi expeditus afflit, qui tendit ad philosophiam, in-
 tum, quod in rebus est, ante contemnit. perorat S. Chrysologus
 Serm. 28. Paupertas est abdicatio sollicitudinum saculi, ne u-
 Deum sine impedimento, expulsio omnis tristitia, fundamen-
 Climacus. pacis, munditia vita, quæ nos liberat curis omnibus vita tristis-
 untis, & facit, ut Dei mandata perfectè exequamur. docet
 macus gradu 17. Quid paupertate melius? quid securius? quo
 iucundius? tristentur omnes, cuncti gemant, formident unum,
 hec semper hilaris, semper eodem vultu, eodem animo perfec-
 rat, bonum caeleste præstolatur possidere in celo, ideo nihil habet
 7. si in terrâ. quod amittere possit in terrâ, frequenter evolat ad superio-
 patriam, ubi suum remuneratorem cognoscit. ita scribit S. Lu-
 rentius Justinianus in ligno vitæ, tract. de paupertate cap.
 Primam hanc beatitudinem uterque Evangelista posuit, oratio
 S. Ambrosius enim prima est, & parens, generatioque virtutum. tradit S. Am-
 brosius lib. 5. in Lucam, & alibi habet: Ut rerum facultates
 strumentum sunt omnium vitiorum, ita harum abnegatio
 nitrix est, nutrixque omnium virtutum. Concludo cum
 Chrysostomo Serm. 18. super epistolam ad Hebreos: Pauper-
 tatis est manuductoria quadam in via, quæ dicit ad celum, es-
 citio athletica, exercitatio quadam magna, & admirabilis, parvus
 tranquillus, Divinâ gratiâ invocata desuper Conceptus panem
 CON

CONCEPTUS I.

Galaaditæ Duce m Jephite nimium oderant, & aversabantur
: eftis, qui odiſſis me, & ejecifſis me de domo Patris mei. Judic.
 cap. II. Hi populi Galaaditæ, Jephite, quem despectum ab-
 erant, tandem mulcetum venerantur; subjicientes ſe ei, ac Prin-
 cipem, ac Dominum ſuum ſubmifſe respiciētes: quid hæc ſuper-
 ac proterva capita ad meliorem frugem compulit? quod
 Jephite, quem olim oderant, nunc veneſerunt, quem antea ab-
 jecerant, jam Dominum ſuum respiciant? quem prius ſpreverunt,
 nunc opem ejus ſupplices implorent? meliores fecit Galaaditas
 paupertas, & indigentia: ab Ammonitis humiliati, ad incitas, ad
 mendicitatem, flamma & enfe redacti, diſcunt ſapere, Jephite
 Principem ſuum respiciunt, ac veneſerunt: ita textus Judicū
 cap. II. Nunc veniſtis ad me, neceſſitate compulſi. Deſuper S.
 Augustinus apud Hugonem Cardinal. *Felix neceſſitas, qua ad*
meliora compellit. Jephite figura & umbra Christi erat, quoſ ſunt,
 quin proſperitate, & abundantia, peccatis & ſceleribus Christum
 pernauſt, odiunt, abſciunt, despiciunt, neceſſitate, paupertate
 verò, vel ab injuriā, vel infortunio immiſſa, ad meliora conver-
 ſi, Christum agnoverunt, Deum coluerunt, vitam meliorem in-
 ſituerunt. Academicus ſequenti ſymbolo hanc veritatem elu-
 cidavit: nempe gruem statuit in medium, cui dormitanti ſi fa-
 pillus ē pedibus prolabitur; *Dormitans excitatur.* Sic mortales
 vitiis indormientes, ſi bonis ſuis temporalibus excidunt, ad pau-
 perię rediguntur, ē ſomno vitiorum, ad virtutis ſtudium exci-
 tantur, & impelluntur. Optimè Petrarcha lib. 2. de remed. dia-
 logo 8. *Sapè quidem paupertas modeſtiam perſuasit reſuſtantis*
animo. Inter tentoria paupertatis ſobriæ, atque ſollicitæ, luxus
inſers, ſopor marcidus, ac vita languida non ſubeunt.

CONCEPTUS II.

Sceleratam vixit vitam filius prodigus, iſolens ac ſuperbus,
 Patrem coegerit ad portionem hæreditatis ſuę extradendam: *Pater,*
da mi-

da mili portionem substantie, quæ me contingit: Lucæ 15. Portione obtenta in coeno voluptatum volutabatur: Vivendo luxuriosè. Hic insolens lascivus juvenis, tandem resipiscit, indole Patris offensa, detestatur venerem, in integrum correctus revertitur, ad pedes pii parentis prostratus veniam exorat: Pauper peccavi in cœlum, & coram te, & jam non sum dignus vocari filius tuus, fac me sicut unum de mercenariis tuis. Quid al tantam morum emendationem, virtutæ anteauctæ correctionem, hunc filium induxit? quis virtutum Dux, ac Doctor? amoris a Parentem, ac humilitatis instructor fuit? fuit paupertas, & impia: Cœpit egere: cupiebatque implere ventrem suum de silique, quas porci manducabant. Desuper S. Petrus Chrysologus Scm.

2. Fames revocat, quem saturitas exularat, fames illi patrem uidet sapere, cui copia tulerat genitorem. Paupertas facit agnoscere vitia, docet emendare scelerá, instruit exorare Numen officium, humili pœnitentia delictum eluendo, ad cœlum evolat. Academicus exprimit symbolo avem manucodiatam pingenda, hâc inscriptione: Sine pondere sursum. Hæc avis vix quidquam carnis habet, siccis nonnisi plumis circumdata, unde exorti apertitatem ad cœlum levatur. Paupertatem, pennas, dicit Bernardus, quibus mediis ad Deum mens nostra erigitur, ad cœlestia ascensum evolat: magna quadam penna est paupertatis. inquit Bernardus.

CONCEPTUS III.

Quām perversus fuerit Paulus, quām truculentus hosti Christi, & Christiani nominis, patet Actorum cap. 9. *Saulus aduersus spirans minarum, & cœdus in discipulos Domini, accessit ad Principem Sacerdotum, & petiit ab eo epistolæ in Damascum, ad synagogas, ut si quos invenisset hujus viae viros, ac mulieres, cœlos perduceret in Jerusalem. Hic magnus Christi adverarius, factus est JESU intimus amicus, Christianorum propugnator, eorum defensor: Expugnabat Judeos, qui habitabant Damasci, affirmans quoniam hic est Christus. Quid è lupo rapiente, fecit agnum*

agnum mansuetum, ex hoste, amicum, ex oppugnatore, defensorum? fecit paupertas, coecitate percussus est; *apertus oculis nihil videbat*: cœcus homo, pauper homo, dicit proverbium, ita pauper & cœcus corrigitur Saulus, humiliis, & obediens exclamat: *Domine quid me vis facere?* desuper exclamat S. Bernardus in allegoriis Tilm. *Apertis oculis nihil videbat; ô felix cœctas, quæ mala quondam illuminati in pravaricatione, tandem in conversione salubriter oculi excœcantur.* Paupertatis bonum exprimit Joannes Ferrus, cervi emblemata, qui rejetis cornibus epigraphen præfert: *Projectis agilior.* Audiatur Seneca ep. 7. *Paupertas expedita est, secura est, si vis vacare animo, aut pauper sis sopportet, aut pauperi simili, projice omnia ista si sapi, imo, ut sapias, & ad bonam mentem magno cursu, ac totis viribus tende.*

CONCEPTUS IV.

Cis, parentis Saulis, deperditæ sunt asinæ: parens ablegat filium Saulum, errantia quæreret, & investigaret animalia; *Tolle tecum unum de pueris, & consurgens vade, & quare asinæ.* 1. Reg. cap. 9. Per aliquot dies in montibus, ac deserto vagatur Saulus, pecoribus minimè inventis; adeunt tandem Videntem, Prophetam Samuelem: interrogo hsc, quare non statim, ac omnium primo Prophetam adiverunt, ac rogârunt, perditas indicaret asinas, quo duce, ac ductore tandem, ad Samuelem, ad Videntem, ac amicum Dei, Saul cum puero deducuntur? respondeo: Duce & comite paupertate, inopia, ac indigentia: *Panis deficit in stirciis nostris, & portulam non habemus:* Ecce indigentia, paupertas deduxit ad Prophetam, imo direxit ad Regnum, & ad Imperium: Ita glossa moralis in citatum librum, & caput: *Dominus revelaverat auriculam ante unam diem, quam veniret Saul, aptitudinem ipsius Saulis ad regnandum.* Paupertas, & indigentia, ad Divinum, antea terrenis totum immersum Saulum compulit; Paupertas antea ineptum, ad coronam, & sceptrum aptissimum effecit: ovorum duo statuit Academicus in valle vitreo aquâ pleno, unum ovum, quia plenum in fundum de-

Pars II.

(Ss)

mergi-

mergitur, alterum ovum, quia vacuum, natat superius: vacuo ovo inscribit Lemma: *Surgit inane.* Sic si divitiae mergunt; paupertas sursum elevat, ad Videntem, ad Deum adducit, ad coronam vitae æternæ elevat. Optimè S. Chrysostomus apud Beylinck tom. 6. fol. 112. *Paupertas est tutum asylum, peritus tru-*
quillus, perpetua securitas, delicia periculorum expertes, volup-
sincera, vita turbationum nescia, vita fluctuum ignara.

CONCEPTUS V.

Jacob in Mesopotamiam tendens mirabilem habuit visionem:
Viditque in somnis scalam stantem super terram, & caeruleum illius tangens cælum, Angelos quoque Dei ascendentibus, & descendentes per eam, & Dominum innixum scalæ, dicentem sibi: Es sum Dominus Deus Abraham Patris tui. Genes. 28. Cur recte in itinere versus Mesopotamiam Jacob hâc visione dignatur, & non etiam in domo paterna habitans tali gratiâ, & consolatione felicitatur? Notandum venit: In domo paternâ degens Jacob nullum egebat, sed abundabat in omnibus: itinerans vero in Mesopotamiam, derelictus à Parentibus, persecutus à fratre, inops & pauper, mendico similis, in nuda humo, super duros lapides, incannatus, famens, & sitiens, pernoctare cogitur; pauperi sic, ac summè indigenti, favor divinus monstratur, cælum patet apertum, Angeli in obsequium descendant, Deus ipse innixus, ac inclinatus, gratias promittit: discamus hinc: *Paupertas referat onli januas, Dei favores, Angelorum solarium promptum habet.* Ita concludit Rupertus Abbas lib. 7. in Genes. c. 21. *Quisunque depositus seculi omnibus, nudi, & expediti ad destinatum inidunt bravium, illis porta cæli aperitur, & ascendentibus sedes erigitur.* Felicem pauperem obumbrat Academicus scaphi omnimodè vacuâ in oceano denatante, hâc inscriptione adjedil.
Tutior quam levior: Navi Job comparat vitam humanam: *Dies non velociores fuerunt cursore, pertransierunt quasi naves portantes.* c. 9. Pauper in hac viâ, qui fuerit vacuus à superiori mundi opibus, quo sic levior, eò tutior, de favoribus ac gratiis divinis.

divinis; eo securior, quia portum & ternitatis felicis prosperè attinget, ad sempiterna solatia adveniet: ita Apulejus orat. Apologet. *Cupio me ad pauciora coereere, tanto futuris beator, quæ pauperiar.*

CONCEPTUS VI.

S. Bernardinus Serm. de pauperibus art. 3. cap. 3. observat: Pauperibus Deum actu, & de præsenti beatitudinem promittere, ceteris virtuosis, ut mitibus, castis, pacificis, patientibus solum de futuro, præmium, & bravium determinare: sic Matth. c. 5. *Beati pauperes spiritu, quoniam ipsorum est regnum cælorum.* Et dicit, non erit, de præsenti, non de futuro loquitur: *Beati, qui lugent, quoniam ipsi consolabuntur. &c.* Ecce de futuro dicit: cur quæso recte pauperibus, Deus præmium, & bravium de præsenti, & actu tribuit? *Claves regni cælorum non tam promis- sue, sed possessivè conceduntur;* inquit S. Bernardinus, cur hoc? Respondeo: Deus nullum opus vel creaturam sine loco fecit, divina providentia, cuivis creaturæ, & certum locum, & spacium assignavit, sic stellis cœlum, avibus aërem, piscibus aquam, quadrupedibus prata, agros, & sylvas, hominibus univerlam terram distribuit; pauper nihil in terra possidet, ergo Deus eum super omnia creata elevat, cœlum, ac æternam beatitudinem, ut locum proprium, jam in præsenti, & actu distribuit; *Beati paupe- res, quoniam ipsorum est regnum cælorum.* Audiatur S. Bernardinus: *Quia prudentissimus Creator, & gubernator, nullam crea- turam sine loco fecit, cum paupertas locum in mundo non ha- beat, idè ei & nunc possessivè cælicas sedes dedit.* Rectissime Academicus Paupertatem conchæ marinæ comparat: conchilium tamethi exterius horridum & asperum, intus tamen pretiosam gemmam portat: Lemma sit: *Theſauro grāvida!* sic paupertas exterior vultu est horrida, & aspera, interius tamen *theſauro grāvida,* maximi pretii theſauros reconditos habet divinarum gratiarum, & consolationum. Sic S. Ambrosius in Apolog. c. 11. *Dona paupertas, qua si theſauro non habet pecunia, habet ta-*

(Ss) 2

2008

men thesauros sapientia, & scientia; addo ego, gratiae DEI,
& gloriae.

Epilogus.

Consolor ergo omnes pauperes cum S. Francisco Seraphico opus. 8. cap. 6. Hec est illa celsitudo altissime paupertatis, quod vos fratres meos charissimos, heredes, & reges calorum infunsi; pauperes rebus fecit, virtutibus sublimavit; huc sit portio vestra, quae dicit in terram viventium. Concludo cum S. Laurentio Justiniano de ligno vitae c. 3. Sicut Pueros Babylonicos nos incendit ignis, sed dissolvit eorum vincula, sic eorum, qui in cammino paupertatis gratias agunt, solvuntur vincula peccatorum, & incenduntur cuncta, juxta illud Isaiae cap. 48. Elegite te in camino paupertatis.

Amen.



IN FESTO